

**URED ZA REVIZIJU BUDŽETA / PRORAČUNA
U FEDERACIJI BiH
S A R A J E V O**

**IZVJEŠTAJ O REVIZIJI FINANSIJSKIH IZVJEŠTAJA
UREDA PREDsjedNIKA FEDERACIJE BiH**

1. Mi smo obavili reviziju finansijskih izvještaja u cjelini Ureda Predsjednika Federacije BiH sa stanjem na dan 31.12.2000.god. bez revizije početnih salda. Revizija je provedena u periodu od 29.06. do 06.07.2001. god. sa prekidima u radu.
2. Za ove finasijske izvještaje odgovoran je menadžment Ureda kao i za zakonitosti u poslovanju, istinitost i poštenost upravnih odluka donesenih unutar ovog ureda o utrošku javnih prihoda, sistema internih kontrola, a time i za efikasno poslovanje kao i tačnost i cjelovitost računovodstvenih evidencija.
3. Naša odgovornost je izraženo mišljenje o ovim finansijskim izvještajima na osnovu provedene revizije.
Revizija je urađena u skladu sa Međunarodnim revizijskim standardima organizacije vrhovnih revizijskih institucija – INTOSAI. Ovi standardi zahtijevaju da mi planiramo i izvršimo reviziju na takav način da se uvjerimo kako u finasijskim izvještajima nema značajnog pogrešnog prikazivanja činjenica. Revizija uključuje ispitivanja na osnovu testova, dokaza, koji potkrepljuju iznose i obrazloženja za dato mišljenje. Revizija uključuje ocjenu cjelokupnog predstavljanja finansijskih izvještaja, procjenu usklađenosti s primjenjivim zakonima i ocjenu funkcionisanja interne kontrole. Mi vjerujemo da naša revizija obezbjeđuje razumnu osnovu za izraženo mišljenje.
4. Po našem mišljenju finansijski izvještaji sastavljeni su pravilno u skladu sa Računovodstvenim standardima BiH i objektivno prikazuju finansijski položaj Ureda Predsjednika Federacije BiH na dan 31.12.2000. god., te rezultate poslovanja za tu godinu.

Bez određivanja uslovnog mišljenja mi skrećemo pažnju na dato obrazloženje u Izvještaju o finansijskim izvještajima vezano za način potrošenih sredstava, dokumentacionu osnovu sa zaključkom i preporukama.

Zamjenik generalnog revizora:

Branko Kolobarić, dipl.oec.

Generalni revizor:

Mr.sc. Ibrahim Okanović, dipl.oec

**BOSNA I HERCEGOVINA – FEDERACIJA BOSNE I HERCEGOVINE
URED ZA REVIZIJU BUDŽETA – PRORAČUNA U FEDERACIJI BiH
S A R A J E V O**

**IZVJEŠTAJ O IZVRŠENOJ REVIZIJI PRAVILNOSTI
FINANSIJSKOG POSLOVANJA U 2000-toj GODINI
UREDA PREDsjedNIKA FEDERACIJE BiH**

Sarajevo, august 2001. godine

ZAKONSKA REGULATIVA

U postupku revizije korišteni su slijedeći:

- Ustav Federacije Bosne i Hercegovine
(*Sl. novine F BiH br. 1/94*)
- Budžet Federacije Bosne i Hercegovine za 2000. godinu
(*Sl. novine F BiH br. 13/00 i 32/00*)
- Zakon o Proračunima-Budžetima F BiH
(*Sl. novine F BiH br. 20/98*)
- Uredba o računovodstvu Proračuna-Budžeta F BiH
(*Sl. novine Federacije BiH br. 47/98*)
- Pravilnik o knjigovodstvu Budžeta-Proračuna u F BiH
(*Sl. novine F BiH 6/99*)
- Računovodstveni standardi F BiH
(*Službene novine F BiH br. 50/98 i 52/99*)
- Zakon o reviziji budžeta u F BiH
(*Službene novine F BiH br. 48/99*)
- Zakon o porezima kantona Sarajevo
(*Sl. Novine Kantona Sarajevo br. 19/97; 2/98*)

OPĆI DIO

Funkcija Predsjednika Federacije BiH ustanovljena je Ustavom Federacije BiH 21. Jula 1994 godine kao izvršna vlast Federacije BiH sa zaduženjima:

- **imenovanje Vlade, šefova diplomatskih misija, oficira u Armiji, sudija federalnih sudova,**
 - vršenje funkcije vrhovnog komandanta oružanih snaga federacije,
 - vođenje konsultacija u vezi sa imenovanjem ombudsmena i sudija,
 - potpisivanje odluka Parlamenta Federacije nakon njihova donošenja,
 - potpisivanje i ratificiranje međunarodnih ugovora o porezima u ime Federacije BiH.

Tokom revizije nije nam dat na uvid akt o unutrašnjoj organizaciji iz koje bi smo mogli bliže odrediti finansijsku odgovornost u ovom uredu ali nam je osoblje s kojim smo bili u kontaktu objasnilo sistem rada što se tiče finansija i računovodstva, a on je da su sve inicijative dolazile od šefa kabineta koji je ujedno i nadležan za trošenje budžetskih sredstava.

REVIZIJA FINANSIJSKIH IZVJEŠTAJA

Ured za reviziju budžeta – proračuna Federacije BiH prvi put provodi neovisnu reviziju pravilnosti finansijskog poslovanja u Uredu Predsjednika Federacije BiH.

Revizija pravilnosti finansijskih izvještaja za godinu koja završava sa 31.12.2000.god. u cjelini bez početnih salda proveli su ovlašteni radnici Ureda za reviziju budžeta – proračuna F BiH i to:

- ovlašteni revizor: Ismeta Junuzović, dipl.oec,
- pomoćnik revizora: Esma Muslić, dipl.oec.

Revizija je obavljena na osnovu Zakona o reviziji budžeta – proračuna u Federaciji BiH (Sl. Novine 48/99) a u skladu sa revizijskim standardima Međunarodne organizacije vrhovnih revizorskih institucija INTOSAI (Sl. Novine F BiH br. 6/01)

CILJ REVIZIJE

Cilj revizije je da se ispituju računi i finansijski izvještaji Ureda Predsjednika Federacije BiH kako bi se steklo razumno uvjerenje da su isti u svim značajnim iznosima realno i objektivno predstavljeni, da su cjeloviti i valjani, da su sve radnje oko utroška sredstava pravilno poduzete, dovršene, odobrene, plaćene i registrovane

Postupak revizije otežano je proveden zbog okolnosti uske povezanosti ovog Ureda i Ureda Potpredsjednika Federacije i zakonskom postavkom zamjene njihovih funkcija u predviđenim intervalima što u finansijskim dokumentima nije, a i ne može biti jasno razdvojeno pa se prepliću stvorene obaveze jednog Ureda i njihovo plaćanja sa drugog Ureda, a budžetom Federacije BiH predviđeni su kao dva korisnika, **pa mislimo da bi bilo racionalnije da se objedine u finansijskom smislu ova dva Ureda, a internom evidencijom usmjere prihodi i rashodi.** Tokom revizije nismo imali mogućnosti pojašnjenja mnogih pitanja vezanih za finansijsku dokumentaciju, za pojedine transakcije, način na koji su urađene jer je došlo do izmjene kadrova koji u revidiranom periodu nisu mogli govoriti iz prostog razloga što tu tada nisu radili, a osoblje koje je bilo s nama u kontaktu, je osoblje koje uslužno vodi računovodstveno – knjigovodstvene evidencije ovog Ureda i smatra se nenadležnim dati informaciju.

ZAKLJUČAK

Provedenom revizijom obuhvatili smo prezentiranje finansijskih izvještaja, njihovu istinitost i objektivnost, dokumentacionu osnovu za određene transakcije, valjanost i potpunost iste i nismo se uvjerali da su sve politike i procedure uspostavljene u svrhu što je moguće boljeg i efikasnijeg poslovanja, uključujući zaštitu imovine i sredstava kao i usklađenosti sa propisima.

Uočili smo da mnogi dokumenti koji su osnov za isplatu ili plaćanje nose službene pečate i potpise naredbodavca i likvidatora čime se stvara privid kontrole utroška sredstava ali tokom revizije uvjerali smo se da ovim prividnim kontrolama nedostaje suština. Popratna dokumentacija za finansijske transakcije ne pruža dovoljno dokumenata o transakciji ili je nedovoljna i nejasna. Kontrole nije bilo ili je malo bilo kako bi se osiguralo da sredstva budu utrošena namjenski.

KATEGORIJE IZDATAKA U 2000 GOD
 - URED PREDsjedNIKA FEDERACIJE BiH -

KATEGORIJA		IZNOS	KOMENTAR	%
1.	Plate uposlenih	144.741,00	Neto plate, porez na platu, doprinosi (iz i na platu)	29,1
2.	Naknade troškova zaposlenih	33.177,00	Prevoz sa posla i na posao, smještaj dužnosnika, topli obrok, regres, jubilarne nagrade, pomoć u slučaju smrti	6,6
3.	Putni troškovi	70.206,00	Troškovi smještaja za službena putovanja u zemlji i dnevnice u zemlji i inostranstvu	14,0
4.	Izdaci za energiju i grijanje	9.969,00	Struja, grijanje, voda i druge komunalne usluge	2,0
5.	Izdaci telefonskih i poštanskih usluga	59.735,00		11,9
6.	Nabavka administrativnog materijala	13.415,00		2,7
7.	Gorivo za prevoz	14.560,00		2,9
8.	Izdaci za tekuće održavanje	25.605,00	Zgrada, oprema a najviše opravka vozila	5,1
9.	Reprezentacija	39.854,00		9,0
10.	Naknada za ugovore o djelu	59.283,00		11,9
11.	Ostali troškovi	28.437,00	Unajmljivanje prostora, usluge platnog prometa, usluge štampanja, informisanje i ostalo	5,7
U K U P N O		498.982,00		100

PREPORUKE ZA INTERNU KONTROLU

Kontrolom potrošenih sredstava iskazani kao troškovi ovog Ureda primjetili smo nepravilnosti vezano za dokumentacionu osnovu finansijskih transakcija koja je posljedica nedovoljnog postojanja i funkcionisanja sistema internih kontrola koje menadžment Ureda treba uspostaviti u cilju efikasnog poslovanja, pravilnog trošenja sredstava uključujući i zaštitu imovine i sredstava.

Značajno ojačati kontrolu isplata iz budžetskih sredstava i osigurati da su svi troškovi i transferi sa kompletnom dokumentacijom koja sadrži dovoljno detalja o transakciji.

Tokom 2000-te godine ovaj Ured potrošio je 499.923,00 KM iz sredstava javnih prihoda za obavljanje svoje funkcije. Trošenje budžetskih sredstava zahtijeva poštivanje planom predviđenih troškova uz jasnu dokumentacionu osnovu sa dovoljno detalja o transakciji što nije bio uvijek slučaj.

Takav slučaj su:

- **isplaćena sredstva za naknade po ugovoru o djelu na što je potrošeno 59.283,00 KM**

Sve isplate po ovom osnovu izvršene su fizičkim licima na osnovu ugovora o djelu u gotovini, a isti nisu ovjereni od strane nadležne Porezne uprave što je suprotno važećim propisima jer se radi o primanjima fizičkih lica, pa i pored obračunatog i plaćenog poreza isplatioca naknade, povrijeđeni su propisi oko registracije ukupnih primanja fizičkih lica. Naknada ugovora o djelu isplaćuje se tokom cijele godine istim osobama od kojih je jedan stranac, za prevod tekstova sa engleskog i lektorisanje ali pored ugovora nismo dobili na uvid nikakav drugi dokument iz kojeg bi mogli vidjeti i uvjeriti se o izvršenim uslugama tako da ne možemo potvrditi opravdanost ovih isplata. Nismo imali na uvidu nikakav akt kojim bi bile opisane i predviđene potrebe za ovakvim poslovima, a činjenica da je u ovom Uredu kontinuirano bilo od 6 – 8 osoba na ugovor o djelu (uposlenih ima 8) govori da je bilo potrebno znatno preciznije regulisati ovakve isplate, suštinski iskontrolisati pa tek onda odobriti njihovu isplatu.

- **Potrošeno je 70.206,00 KM za putne troškove.**

Analizom ove vrste troška utvrđeno je da je za putovanje u inostranstvo potrošeno 60.781,00 KM a troškove putovanje u zemlji 9.425,00 KM. Za ovu vrstu troškova više je potrošeno 25.564,00 KM nego što je budžetom predviđeno. Utvrdili smo da između ove vrste troška i troškova toplog obroka koji se prima za prisutnost na poslu ne postoji podudarnost pa jedna od ove dvije vrste troška neopravdano je isplaćivana.

- **Potrošeno je 59.735,00 KM za troškove PTT-a**

Za ovu vrstu troška više je potrošeno od budžetom predviđenog za 34.414,00 KM. Našli smo račune koji glase na ime i prezime osoba uposlenih u Uredu Predsjednika a isti su plaćeni sa računa Ureda. Objašnjenje je dato da se radi o troškovima interneta koji su niži kad ga koriste fizičke sobe u odnosu na pravna lica što možemo razumjeti ali da za to nema nikakvih pisanih procedura ne može se razumjeti.

- **Potrošeno je za reprezentaciju 39.854,00 KM**

Najveći dio troškova reprezentacije isplaćeno je Službi za zajedničke poslove F BiH na osnovu ispostavljenih računa koji su formalno ispravni ali nigdje nismo primjetili da se vrši kontrola tako ispostavljenih računa i da za to postoji odgovarajuća prateća dokumentacija. Računi jesu potpisani ali suštinske kontrole nisu provedene. Plaćanje troškova reprezentacije drugim korisnicima rađeno je na osnovu neodgovarajućih računa u kojima umjesto naziva konzumirane robe, količine i iznosa stoji upisana naznaka "konzumacija jela i pića". Ni uz jedan račun nema dokumenta da je odobrena konzumacija jela i pića osim pisanih pribilješki na računima koji nisu i ne mogu biti zamjena propisanoj dokumentaciji. Nije nam dat na uvid bilo kakav akt kojim bi bilo regulisano ovlaštenje i hodogram dokumentacije za ovu vrstu troškova.

- **Potrošeno je za opravku vozila i kupovinu rezervnih dijelova 24.413,00 KM.**

Primjetili smo isplate računa za opravku vozila koja nisu u vlasništvu ovog Ureda, a nije nam predočena bilo koja druga dokumentacija na osnovu koje bi se uvjerali za osnovanost takvih plaćanja. Takvi troškovi su plaćeni za auto registarske oznake 715 – K – 258 i za Fiat Croma na kom računu nema registarskog broja.

- **Plaćeni troškovi stanarine**

Plaćeni su troškovi stanarine Službi zajedničkih poslova F BiH u iznosu od 2.758,00 KM za privatno lice koje je pored ovog svaki mjesec tokom 2000-te godine primalo naknadu po ugovoru o djelu u iznosu od 120,00 KM mjesečno.

Značajno popraviti kontrolu isplata iz blagajne kako bi se spriječilo neprimjereno trošenje sredstava.

Plaćeni su izvjesni troškovi gotovinom kroz blagajnu na osnovu dokumentacije koja ne zadovoljava opravdanost takvih isplata.

To se odnosi na:

- **pravdanje troškova goriva na što je utrošeno 14.560,00 KM**

Sve isplate koje su provjeravane vršene su bez suštinske kontrole, nigdje nema povezanosti između pređenih kilometara i utroška goriva. Računi za gorivo pravdaju se bez naloga za auto pa se ne zna za koje pređene kilometre se pravdaju troškovi. Nijedan račun nema na sebi registarskog broja auta koji se dodaje vjerovatno na račun prilikom pravdanja jer se radi o različitom rukopisu pa se opravdanost ovih troškova ne može potvrditi..

Među ovim troškovima ima računa koji su isplaćeni za automobile koji nisu u vlasništvu Ureda niti ima dokumentacije da su u korištenju. To se odnosi na auto registarskog broja 715 - K - 258.

- **pravdanje troškova za pranje automobila u iznosu od 3.873,00 KM**

Uzorkom pregleda na isplate ukazuju na nepravilnu dokumentacionu osnovu ovih troškova koja ne obezbjeđuje potvrdu da je usluga pranja obavljena jer je dokument samo račun od samostalne radnje koji nisu ovjereni od strane nadležne Porezne uprave a ni u jednom slučaju nema popratne dokumentacije o izvršenoj usluzi.

RAČUNOVODSTVENO KNJIGOVODSTVENI POSLOVI

Knjigovodstvene poslove, a i dio računovodstvenih poslova za ovaj Ured su vodile osobe na osnovu ugovara o djelu u kojem nema tako jasnih razgraničenja da se zna šta ko radi i za šta odgovara što smatramo da nije uredu i očekujemo da se tačno razgraniče obaveze i odgovornosti ugovornih strana.

Analizirajući knjigovodstvene evidencije uočili smo neke nepravilnosti koje knjigovodstvo treba otkloniti i dovesti u sklad sa propisima koji regulišu ovu oblast (Uredba o Pravilnik o knjigovodstvu budžeta – proračuna F BiH). Uočene nepravilnosti nikako ne podrazumijevaju sve nepravilnosti u knjigovodstvu nego samo one uočene a to su:

1. Knjigovodstvo treba da evidentira poslovne događaje sa potpunom i kompletnom dokumentacijom koja mora biti tako jasna da nedvosmisleno upućuje na događaj. Takav primjer je kupljeni mobitel po rn. 421-250 od 30.05.2000.god. u iznosu od 941,00 KM koji je plaćen sa Ureda Predsjednika F BiH i sa 31.12.2000.god. isknjižen a da za to nema kompletirana odgovarajuća dokumentacija.
2. Knjigovodstvo nije moglo ostaviti neusaglašen prelazni račun sa 31.12.2000 godine (Rn.111113) bez obzira na iznos.
3. Knjigovodstvena nepravilnost je način vođenja glavne blagajne koja pokazuje da je više isplaćeno sredstava iz iste nego što se imalo para.
4. Knjigovodstvena nepravilnost je neusaglašeno stvarno stanje sa knjigovodstvenim evidencijama kod popisa sredstava.

5. Knjigovodstvo treba viditi računa o kronologiji poslovnih događaja i tako ih evidentirati.
6. Knjigovodstvo treba pravilno klasificirati poslovne događaje shodno Uredbi i Pravilniku o knjigovodstvu budžeta – proračuna F BiH čime se stvara tačna i objektivna osnova za finansijsko izvještavanje.

Sve naprijed iznesene nepravilnosti primijećene u knjigovodstvenim evidencijama ukazuju da se treba značajno pojačati nadzor nad knjigovodstvenim evidencijama.

Knjigovodstvo je sastavilo set finansijskih izvještaja za ovaj Ured koji su popisani, osim zabilješki uz finansijske izvještaje koji imaju za cilj pojašnjenje o iskazanim iznosima što pomaže boljem razumijevanju tih izvještaja te očekujemo da se iste rade. Set finansijskih izvještaja koje je objavio ovaj Ured je u prilogu ovog izvještaja.

GODIŠNJI ISKAZ O IZVRŠENJU BUDŽETA ZA 2000 GODINU

Pozicije	Planirano za 2000 g.	Ostvareno u 2000 g.	Odstupanje 3 - 2	Indeks 3/2
1	2	3	4	5
PRIHODI IZ BUDŽETA	519.587,00	433.665,00	85.922,00	83,5
UKUPNI PRIHODI UREDA	519.587,00	433.665,00	85.922,00	83,5
Bruto plaće i naknade	170.522,00	129.322,00	41.200,00	75,8
Naknade troškova uposlenih	59.551,00	33.177,00	26.374,00	55,7
Doprinosi poslodavca	20.261,00	15.419,00	4.842,00	76,1
Putni troškovi	44.642,00	70.206,00	25.564,00	157,3
Izdaci za energiju	5.952,00	9.969,00	4.017,00	167,5
Izdaci za komunalne usluge	22.321,00	59.735,00	37.414,00	267,6
Nabava materijala	11.160,00	13.415,00	2.255,00	120,2
Izdaci za usluge prevoza i goriva	22.321,00	14.560,00	7.761,00	65,2
Unajmljivanje imovine i opreme	-	3.430,00	3.430,00	-
Izdaci za tekuće održavanje	22.321,00	25.605,00	3.284,00	114,7
Izdaci za osiguranje i usluge platnog prometa	1.488,00	1.644,00	156,00	110,5
Ugovorene obaveze	89.048,00	122.500,00	33.452,00	137,6
Kapitalna ulaganja	50.000,00	941,00	49.059,00	1,9
UKUPNI TROŠKOVI	519.587,00	429.923,00	19.664,00	96,2

Proračunom Federacije BiH za 2000-tu godinu za funkcionisanje ovog Ureda predviđeno i usvojeno je 519.587,00 KM, a stvarno doznačeno na račun 433.665,00 KM ili 83,5% predviđenih sredstava. Međutim Ured je potrošio više nego što mu je stavljeno na raspolaganje iz proračuna u toku 2000-te godine jer su isplaćeni troškovi i kapitalna ulaganja 499.923,00 KM.

Da se moglo više potrošiti nego što je doznačeno sredstava iz budžeta omogućeno je:

1. Prenosom zatečenih sredstava na žiro – račun kod zamjene funkcija Predsjednika i Potpredsjednika F BiH (na račun onog ko kuda ide) u iznosu od 79.910,00 KM

Sredstava koja su preostala na računu sa 31.12.2000.god. (fiskalne godine) trebala su se vratiti na račun budžeta Federacije, a ne prenositi sa računa jednog budžetskog korisnika na račun drugog budžetskog korisnika (račun Predsjednika i Potpredsjednika F BiH) kojom radnjom su povrijeđena propisana pravila ponašanja zakona o proračunima – budžetima u F BiH, o izvršenju budžeta.

Posmatrano po namjenama više je potrošeno od predviđenih sredstava za:

• Putne troškove u iznosu	25.564,00 KM
• Komunalne usluge gdje su troškovi PTT-a u iznosu o d	37.414,00 KM
• Ugovorene usluge u iznosu od 33.452,00 KM
• Za energiju u iznos 4.017,00 KM
• Za nabavu materijala u iznosu od 2.255,00 KM
• Unajmljivanje imovine i opreme	3.430,00 KM
• Za tekuće održavanje	... 3.284,00 KM

Manje od predviđenih sredstava potrošeno je za:

• Bruto plaće i naknade u iznosu	. 41.200,00 KM
• Naknade troškova uposlenih	26.374,00 KM
• Doprinosi poslodavca	4.842,00 KM
• Izdaci za usluge prevoza i goriva	. 7.761,00 KM
• Kapitalna ulaganja	49.059,00 KM

Stvarni izdaci svakog budžetskog korisnika moraju biti u skladu s budžetskim iznosima planiranim za vremensko razdoblje a sredstva raspoređena budžetom ne mogu se preraspoređivati između korisnika osim ako je to izričito dopušteno, pa očekujemo da se u narednim periodima usaglasi ponašanje sa propisima.

Ovlašteni revizor:

I. Junuzović, dipl. oec.

Pomoćnik revizora:

E. Muslić, dipl. oec.

PRILOG REVIZORSKOM IZVJEŠTAJU

FINANSIJSKI IZVJEŠTAJI UREDA PREDSEDNIKA FEDERACIJE
BOSNE I HERCEGOVINE ZA 2000. GOD.

SVE IZNESENE PRIMJEDBE ODNOSE SE NA
OVE OBJAVLJENE FINANSIJSKE IZVJEŠTAJE

BILANS STANJA

za godinu koja završava 31.12.2000. god. i i 31.12.1999.god.

POZICIJE	2000.god.	1999.god.
AKTIVA	192.559,00	256.769,00
A. GOTOVINA, KRATKOROŠNA POTRAŽIVANJA, RAZGRANIČENJE I ZALIHE	13.163,00	18.322,00
Novčana sredstva i plemeniti metali	13.163,00	18.322,00
B. STALNA SREDSTVA	178.846,00	238.447,00
Stalna sredstva po trošku	315.518,00	319.536,00
Ispravka vrijednosti – amortizacija	136.672,00	81.089,00
Neotpisana vrijednost stalnih sredstava	178.846,00	238.447,00
PASIVA	192.559,00	256.769,00
C. IZVORI SREDSTAVA	192.559,00	256.769,00
Izvori stalnih sredstava	178.906,00	238.447,00
Neraspoređeni višak prihoda nad rashodima	13.653,00	18.322,00

RAČUN PRIHODA I RASHODA
za godinu koja završava 31.12.2000. i 31.12.1999.god

ELEMENTI	Tokom 2000-te	Tokom 1999-te
RASHODI	498.982,00	633.960,00
- Bruto plaće i naknade	129.322,00	182.607,00
- Naknade troškova zaposlenih	33.177,00	56.169,00
- Doprinosi poslodavca	15.419,00	21.543,00
- Putni troškovi	70.206,00	43.275,00
- Izdaci za energiju	6.672,00	7.163,00
- Izdaci za komunalne usluge	63.032,00	31.101,00
- Nabavka materijal	13.415,00	10.707,00
- Izdaci za usluge prevoza i goriva	14.560,00	41.256,00
- Unajmljivanje imovine i opreme	3.430,00	-
- Izdaci za tekuće održavanje	25.605,00	42.130,00
- Izdaci osiguranja i platnog prometa	1.644,00	2.397,00
- Ugovorene usluge	122.500,00	138.102,00
PRIHODI	433.665,00	782.516,00
- Prihodi iz budžeta	433.665,00	747.516,00
- Prihodi od ostalih nivoa vlasti	-	35.000,00
- VIŠAK PRIHODA NAD RASHODIMA	-	148.556,00
- VIŠAK RASHODA NAD PRIHODIMA	65.317,00	-
- POKRIVENO IZ VIŠKA PRIHODA PRETHODNE GODINE	65.317,00	-

ISKAZ O NOVČANIM TOKOVIMA
Za razdoblje od 01.01. – 31.12.2000. i 01.01. – 31.12.1999.god.

P O Z I C I J E	2000. god	1999. god.
<i>NOVČANI PRIMICI</i>	513.575,00	782.516,00
- Prihodi iz proračuna za tekući izdatak	433.665,00	747.516,00
- Prihodi od ostalih nivoa vlasti	-	35.000,00
- Prijenos sredstava sa žiro-računa kod zamjene funkcija	79.910,00	-
<i>NOVČANE ISPLATE</i>	518.734,00	633.960,00
- Plaće i naknade troškova zaposlenih zaposlenih sa doprinosima	178.407,00	260.319,00
- Izdaci za materijal i usluge	321.064,00	373.641,00
- Prijenos sredstava na račun Predsjednika .	18.322,00	-
- Ulaganje u stalna sredstva	941,00	-
NETO NOVČANI PRIMICI I ISPLATE	5.159,00	148.556,00
SALDO GOTOVINE NA POČETKU GODINE	18.322,00	130.234,00
SALDO GOTOVINE NA KRAJU GODINE	13.163,00	18.322,00